

На Господи ВОЗЗВАХ, стихиры на 8, глас 2: Самоподобен. [Андреа Пирскаго:]

Киими похва́льными венцы́/ увязем Петра и Па́вла,/ разделённые телесы, и совокупленные Ду́хом,/ богопроповедников первостоятели?/ Оваго убо, яко апостолов предначальника:/ о́ваго же, яко паче инех трудившася./ Сих бо воистинну достойно безсмертныя славы венцы// венчает Христос Бог наш, имей велию мѣлость. [Трижды.]

Киими песенными добротами/ воспоем Петра и Па́вла,/ богоразумия криле, прелетевшия концы,/ и к небеси вознесшия?/ Руце евангелиа благодати./ Нозе истиннаго проповедания,/ реки премудрости: крестныя ро́ги,/ имиже демонов бровь Христос низложи,// имей велию мѣлость. [Трижды.]

Киими духовными пѣсньми/ похвалим Петра и Па́вла,/ безбо́жия заклавшия незатыкаемая уста,/ страшныя Ду́ха мечи́,/ Рѣма светлая удобрѣния,/ всея вселенныя питатели,/ Новаго Завета богописанныя скрижали мысленныя,/ яже в Сионе Христос возгласи,// имей велию мѣлость? [Дважды.]

Слава, глас 4:

[Иоанна монаха:] Трикратным вопроше́нием,/ еже Петре любиши ли Мѣ,/ трикратное отверже́ние/ Христос исправил е́сть./ Темже и к Тайнове́дцу Си́мон:/ Господи, вся веси, вся зна́еши:/ Ты веси, яко люблю Тя./ Темже к нему́ Спас:/ паси овцы Моя, паси избра́нныя Моя,/ паси агнцы Моя, яже Моею кровию снабдох во спасение.// Того моли богоблаженне апостоле, даровати нам велию мѣлость.

И ныне, Богородичен.

Иже Тебе ради богоотец пророк Давид/ песенно о Тебе провозгласи,/ величия Тебе Сотворшему:/ предста Царица одесную Тебе,/ Ты бо Матерь, Ходатаицу живота показа,/ без отца из Тебе вочеловечитися благоволивый Бог,/ да Свой паки обновит образ, истлевший страстьми,/ и заблуждшее горохищное обрет овча,/ на рамо восприим, ко Отцу принесет,/ и Своему хотению,/ с небесными совокупит силами,/ и спасет Богородице, мир,// Христос имей велию и богатую мѣлость.

Вход. Прокимен дне.

Соборнаго послания Петрова чтения (3).

На литии стихиры, глас 2, самогласны.

[Андреа Иерусалимиты:]

Грядите собори днесь вѣрных, / благохвальное и красное собрание, / благодати избранныя хитрецы, / Петра и Павла, подобными хвалами венчаем, / яко независтно всем слово всеявше, / с сими и благодать Духа обогатиша, / и истиннаго винограда суще лозие, / грозд зрел нам возделаша, / веселящъ сердца наша. / К ним же откровеннымъ лицомъ, и чистою совестию возопиём, / глаголюще: радуйтеся, разорители безсловесных, и служителие словесных. / Радуйтеся, всех Творца и Строителя, избрания красная: / радуйтеся, ходатаи благих, и отгонители лестьных, / ихже да умолим, молитися присно, / к Зиждителю и Учителю, мир крепкостоятелен миру даровати, // и душам нашим велию милость.

[Арсениево:] **Ученики Христовы, и основания Церкви, истинныя столпы и стены, и трубы Божественныя Христовыхъ учений и страданий, верховныя Петра и Павла, яко всего мира предстатели восхвалим: сии бо обтекше широту всея земли, якоже ралом всеяша веру, и всем богоразумие всадиша, Троическое являюще Слово. О Петре, камению и основание, и Павле, сосуде избранный, иже и сопряжении воли Христовы, вся привлекоша в богоразумию языки, грады же и острова, евреи же паки ко Христу возведоша, и молят спастися душам нашим.**

[Германово:] **Петре верховне славныхъ апостол, камению веры, и Павле чудне, святыхъ Церквей вития и светильниче, Божественному престолу предстояще, о нас Христу молитесь.**

Павле уста Господня, основание учений, иногда убо гонитель Иисуса Спаса, ныне же и первопрестольникъ апостоловъ быв блаженне. Темже неизглаголанная видел еси мудре, даже до третяго небесе возшед, и зывал еси: приидите со мною, и благихъ не лишимся.

Глас 3.

[Иоанна монаха:] **Вышняго Иерусалима, граждане, камень веры, вития Церкви Христовы, Троическая двоица, мира ловцы, оставльше днесь яже на земли отыдоша страданиемъ к Богу, и молятся Ему со дерзновениемъ, спастися душам нашим.**

Слава, глас 5:

[Византиево:] **Премудрость Божия, соприносущное Слово Отчее, / якоже в Евангелияхъ предрече, / многоплодныя лозы, вы есте всехвальнии апостоли: / иже грозд зрел и красен, / во ветвехъ вашихъ носящии, / егоже вернии ядуще, / услаждаемъ вкусъ к веселию. / Петре камению веры, и Павле похвало вселенныя, // утвердите стадо, еже стяжасте ученьми вашими.**

И ныне, Богородичен:

Блажим Тя Богородице Дѣво, / и славим Тя вернии по долгу, / град непоколебимый, стену неборимую, // твердую предстательницу, и прибежище душ нашихъ.